



অবিলম্বে প্রকাশের উদ্দেশ্যে: 11/13/2023

গভর্নর ক্যাথি হোকল

গভর্নর হোকল ঘোষণা করলেন যে স্টেট পার্ক, নায়াগ্রা ফলস মার্কিন যুক্তরাষ্ট্র NASA এর জন্য সূর্যগ্রহণ উৎসব আয়োজন করবে

2024 সালের এপ্রিলের পূর্ণ সূর্যগ্রহণ শহরে কয়েক হাজার মানুষকে আকৃষ্ট করবে বলে আশা করা যাচ্ছে

মার্কিন যুক্তরাষ্ট্র সংলগ্ন অঞ্চলে এর পরের পূর্ণ সূর্যগ্রহণ 23 আগস্ট, 2044 এর পূর্বে দেখা যাবে না

গভর্নর ক্যাথি হোকল আজকে ঘোষণা করলেন যে নিউ ইয়র্ক স্টেটের পার্ক, বিনোদন ও ঐতিহাসিক সংরক্ষণ অফিস (New York State Office of Parks, Recreation and Historic Preservation), নিউ ইয়র্কের নায়াগ্রা ফলসের একাধিক পর্যটন স্টেকহোল্ডারদের সাথে মিলে জাতীয় অ্যারোনটিক্স ও মহাকাশ প্রশাসনের (National Aeronautics and Space Administration, NASA) সাথে সমন্বয় করে 8 এপ্রিল, 2024 তারিখে অনুষ্ঠিতব্য পূর্ণ সূর্যগ্রহণকে ঘিরে কর্মসূচি ও বিশেষ ইভেন্টের আয়োজন করবে।

"জীবনে একবার হওয়া এই ঘটনার জন্য নায়াগ্রা ফলস একটি দুর্দান্ত প্রাকৃতিক পটভূমি, এবং সূর্যগ্রহণের পূর্বের কর্মসূচি ও শিক্ষা প্রদান করার জন্য NASA এর সাথে কাজ করা নিঃসন্দেহে হাজার হাজার নিউ ইয়র্কবাসী ও ভ্রমণকারীকে এই শহরে আকৃষ্ট করবে," **গভর্নর হোকল বলেন।** "এই নভো বিস্ময়ের জন্য পুরো এলাকায় একটি চাঞ্চল্যপূর্ণ চেতনা নিয়ে আসার জন্য আমাদের বহু পর্যটন অংশীদারদের সাথে কাজ করতে পেরে আমরা আনন্দিত।"

NASA বিজ্ঞানের সহযোগী প্রশাসক নিকোলা ফক্স বলেন, "পূর্ণ সূর্যগ্রহণ সম্পর্কে নায়াগ্রা ফলস ও আশেপাশের সম্প্রদায়কে জড়িত ও শিক্ষিত করতে নিউ ইয়র্কে যাওয়ার ব্যাপারে আমরা আনন্দিত। আমরা আশা করছি যে এই ইভেন্টসমূহ, এবং সেই সাথে দেশব্যাপী আমাদের সূর্যগ্রহণ কর্মকাণ্ড অনুসন্ধানকারী, বিজ্ঞানী, ও প্রকৌশলদের আগামী প্রজন্ম, আর্টেমিস প্রজন্মকে অনুপ্রাণিত ও উৎসাহিত করবে।"

4 এপ্রিল, 2024 তারিখ থেকে শুরু করে বিজ্ঞানী, বিষয়বস্তুর অভিজ্ঞ ব্যক্তি এবং NASA এর মহাকাশচারীরা পুরো শহরের বিভিন্ন অবস্থানে কর্মসূচি ও প্রদর্শনী প্রদান করবে, যার মধ্যে রয়েছে নায়াগ্রা ফলস পাবলিক লাইব্রেরিজ (Niagara Falls Public Libraries), নিউ ইয়র্ক বিদ্যুৎ কর্তৃপক্ষের (New York Power Authority) পাওয়ার ভিস্তা (Power Vista), নায়াগ্রা ফলস

কালিনারি ইনস্টিটিউট (Niagara Falls Culinary Institute) এবং নায়াগ্রা ফলস স্টেট পার্ক (Niagara Falls State Park)। 8 এপ্রিলের ঘটনার পূর্বের সম্পূর্ণ সপ্তাহান্তজুড়ে সকল ইভেন্ট বিনামূল্যের এবং জনগণের জন্য উন্মুক্ত হবে (স্থানের উপলভ্যতার ভিত্তিতে আসন সংরক্ষণ করা আবশ্যিক হতে পারে)। সম্পূর্ণ গ্রামের পুরো পথজুড়ে অন্যান্য একাধিক শহরে NASA একই ধরনের ইভেন্ট আয়োজন করবে।

এই ইভেন্টের জন্য নিউ ইয়র্কবাসী ও ভ্রমণকারীদের স্বাস্থ্য ও নিরাপত্তা নিশ্চিত করতে সরকারের সকল পর্যায়ের অংশীদারদের সাথে মিলে একাধিক স্টেট এজেন্সি ও কর্তৃপক্ষ একটি টাস্ক ফোর্স গঠন করেছে। সহযোগিতামূলক কাজের এই দলটি 2017 সালের আগস্ট মাসের সূর্যগ্রহণের পথে থাকা স্টেট ও মিউনিসিপ্যালিটির প্রস্তুতি, ঘটনা পরবর্তী কর্মকাণ্ড ও সুপারিশ অধ্যয়ন করে চলেছে। অন্যান্য কাজের মধ্যে রয়েছে যোগাযোগ ও পরিচালনা, ট্র্যাফিক নিয়ন্ত্রণ ও পরিকল্পনা, মার্কেটিং ও শিক্ষা। সূর্যগ্রহণ ও এর প্রস্তুতির জন্য, নিউ ইয়র্ক স্টেট পার্ক এবং রাস্তার মতো এর নিজস্ব সম্পদ ব্যবস্থাপনার পাশাপাশি লজিস্টিক্যাল সমর্থন প্রদানকারী হিসেবে নিজেদের ভূমিকা পালন করবে। জুলাই মাসে গভর্নর হোকল ঘোষণা করেন যে এই নভো ঘটনার জন্য [ভ্রমণকারীদের স্থান প্রদান করতে স্টেট পার্কের ক্যাম্পগ্রাউন্ডসমূহ খুলে দেওয়া হবে](#); সেই সবগুলি সাইটেরই এখন স্থান পূরণ হয়ে গেছে। দেখার সেরা স্থান, পরিকল্পিত ইভেন্ট এবং গুরুত্বপূর্ণ নিরাপত্তা তথ্যসহ নিউ ইয়র্ক স্টেটে কীভাবে সূর্যগ্রহণের সেরা অভিজ্ঞতা লাভ করা যায় সে সম্পর্কে আরো তথ্যের জন্য, আজই www.iloveny.com/eclipse ভিজিট করুন।

নিউ ইয়র্ক স্টেট পার্কসের (New York State Parks) কমিশনার এরিক কুলেসিড বলেন, "আমরা একাধিক বছর ধরে এই ইভেন্টটির পরিকল্পনা করছি এবং দুর্দান্ত এই অভিজ্ঞতা প্রদানের জন্য আমরা NASA এর সাথে কাজ করতে পারবো তা কল্পনাও করতে পারিনি। আমরা জানি বড় এই মুহূর্তের আগের সকল ইভেন্টে অংশগ্রহণ করার জন্য সিটিতে এবং পার্কে দলে দলে মানুষ ভিড় করবে।"

ডেস্টিনেশন নায়াগ্রার (Destination Niagara) প্রেসিডেন্ট ও প্রধান নির্বাহী কর্মকর্তা জন পার্সি বলেন, "নায়াগ্রা ফলস স্টেট পার্ক এবং আশেপাশের এলাকার প্রাকৃতিক সৌন্দর্য পূর্ণ সূর্যগ্রহণের অভিজ্ঞতা গ্রহণের জন্য দর্শকদের বহু অনন্য অনুকূল অবস্থান প্রদান করবে। NASA প্রদত্ত অতিরিক্ত কর্মসূচিসমূহ এই প্রাকৃতিক বিশ্বয় দেখার জন্য একটি সেরা অবস্থান হিসেবে নায়াগ্রা ফলস মার্কিন যুক্তরাষ্ট্রকে সত্যিই অনন্য করে তুলবে।"

স্টেটের সিনেটর রব ওর্ট বলেন, "পূর্ণ সূর্যগ্রহণ একটি বিরল, আকর্ষণীয় ঘটনা এবং আগামী বছর যে ওয়েস্টার্ন নিউ ইয়র্ক এমন একটি ঘটনার কেন্দ্রে থাকবে এবং NASA এর বিজ্ঞানীরা যে আমাদের এলাকার জন্য বিশেষ ইভেন্ট ও কর্মসূচি প্রদান করবে তা সত্যিকার অর্থেই অবিস্মরণীয় কিছু অভিজ্ঞতার সৃষ্টি করবে, পাশাপাশি এটি নায়াগ্রা ফলসের অর্থনীতিতে অতি প্রয়োজনীয় একটি উত্থান নিয়ে আসবে।"

অ্যাসেম্বলি সদস্য এঞ্জেলো মোরিনেলো বলেন, "জীবনে একবার হয় এমন ঘটনার জন্য নায়াগ্রা ফলসে NASA এর আগমন একটি আকর্ষণীয় ব্যাপার এবং নিঃসন্দেহে এটি এই সূর্যগ্রহণের অভিজ্ঞতাকে উন্নত করবে। আমরা জানি সকল স্থান থেকে মানুষ নায়াগ্রা ফলসে

আসবে এবং প্রদত্ত কর্মসূচির মাধ্যমে তাদের বেড়াতে আসার সম্পূরক প্রদান করতে পারা দারুণ একটি ব্যাপার হবে।"

নায়াগ্রা ফলসের মেয়র রবার্ট রেস্টাইনো বলেন, "দুর্দান্ত এই প্রাকৃতিক বিস্ময় পর্যবেক্ষণ করার জন্য NASA এর সাথে যোগ দিতে পারা আয়োজক শহরগুলির একটি হতে পেরে আমরা আনন্দিত..নায়াগ্রা ফলসকে স্বীকৃতি প্রদানের জন্য গভর্নর হোকলকে ধন্যবাদ, নিউ ইয়র্ক স্টেটের প্রাকৃতিক এই বিস্ময়টি এর জন্য একটি নিখুঁত স্থান।"

নিউ ইয়র্ক বিদ্যুৎ কর্তৃপক্ষের ওয়েস্টার্ন নিউ ইয়র্কের আঞ্চলিক ব্যবস্থাপক জাইরো ফ্লোরেজ বলেন, "সূর্যগ্রহণটি কানাডাতে চলে যাওয়ার পূর্বে NASA এর সর্বশেষ "সূর্য স্থান" হিসেবে আখ্যা পাওয়া বিনামূল্যের, সরকারি, বিনোদনমূলক ও শিক্ষা ফ্যাসিলিটি হিসেবে, নিউ ইয়র্ক বিদ্যুৎ কর্তৃপক্ষের নায়াগ্রা পাওয়ার ভিস্তা NASA ও NYS পার্কের সাথে এর সহযোগিতামূলক কর্মসূচির জন্য উন্মুখ হয়ে আছে যা অনন্য এই দেখার ও শিক্ষার সুযোগকে সমর্থন করবে।"

নায়াগ্রা কমিউনিটি কলেজের (Niagara County Community College) প্রেসিডেন্ট উইলিয়াম মুরাবিটো বলেন, "NASA এর জন্য ওয়েস্টার্ন নিউ ইয়র্কে নিঃসন্দেহে অনন্য এই ইভেন্টের আয়োজন করতে পেরে নায়াগ্রা কমিউনিটি কলেজ আনন্দিত। আমাদের নায়াগ্রা ফলস কালিনারি ইনস্টিটিউটের শিক্ষার ভিত্তি হচ্ছে অনুসন্ধান, কল্পনা, ও বিজ্ঞান, যা এটিকে এই অংশীদারিত্বের জন্য আদর্শ স্থান করে তুলেছে। আগামী এপ্রিল মাসের সূর্যগ্রহণ সম্পর্কিত কর্মসূচি সম্ভাব্য সর্ববৃহৎ দর্শকের জন্য নিয়ে আসতে আমরা উন্মুখ।"

নায়াগ্রা ফলসে সূর্যগ্রহণের অভিজ্ঞতা শুরু হবে দুপুর 2:04টায় এবং সম্পূর্ণ গ্রাস শুরু হবে দুপুর 3:18টায় এবং তা 3 মিনিট 31 সেকেন্ড স্থায়ী হবে। সূর্যগ্রহণ শেষ হবে বিকাল 4:31টায়।

নায়াগ্রা ফলসের অনুষ্ঠানসূচি তৈরি হওয়ার সাথে সাথে এর বিস্তারিত সম্পর্কে <https://www.niagarafallsusa.com/2024-solar-eclipse> এ জানানো হবে।

নিউ ইয়র্ক স্টেটজুড়ে অনুষ্ঠিতব্য ইভেন্ট সম্পর্কে তথ্যের জন্য ভিজিট করুন <https://www.iloveny.com/events/eclipse-2024/>

সূর্যগ্রহণের বিজ্ঞানের উপর আরো তথ্যের জন্য দেখুন <https://solarsystem.nasa.gov/eclipses/2024/apr-8-total/overview/>

###

আরো সংবাদ এখানে পাওয়া যাবে এখানে www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418
গভর্নরের অফিস থেকে আপডেট পেতে সাইন-আপ করুন: ny.gov/signup | NEW YORK লিখে 81336 নম্বরে
টেক্সট পাঠান

[আনসাবস্ক্রাইব করুন](#)